

www.BibleForChildren.org

Génesis 3



Adán nina nuwen Eva anaikauwaiti.
Nunaka ashi shuar ainan nukuri atin
asamtai, tu anaikauwaiti.



Apu Yuus kuntinan ashi najankauwa
nuiya nápi ima nekau ajakuiti.

Tumau asa nuwan tari iniak:

¿Yuuscha wari turamma, ju ajanam
numi nere iruna juka chikichkiksha
yuawaipa turammaka? tusa tinaiti.



Tama nuwa ayak:
Ju númi iruna juna
neregka yumainaitji.
Turasha númi ajanam
ajapeen waja auna neregka yuawairpa,
tura achitkesha achikairpa, nu
turakrumka tunau jastatrume, tusa Yuus
turammaji tinaiti.



Tama nápi nuwan
chicharuk: Atsaa,
tunauka jaschattarme.

Antsu nu yuakrumka

Yuusa numamtuk jasrum pegker, tura
pegkerchausha nekamainaitrum nuna
Yuus nekau asa turamnaitrume, tusa
tinaiti.



Tama nuwa numi neren pegker
asamtai, juna yuanka wisha yachapi
atatja, tusa yuattsa wakerukuiti.
Tuma asa numi neren akak yuawaiti.
Tura nina aishrincha susauwaiti,
turam nisha yuawaiti.



Tumamuik mai misuk wajau
wainmamkaru, tumawar árak higuera
tutai nuken aparar itipruawaruiti.





Turasha apu Yuus
shuaran untsuak: ¿Tui pujame?
tusa tinaiti. Tama shuar ayak: Ame
ajanam wekamun nekaan, misu pujau asan
amina ashamakun uumrukjame, tusa tinaiti.





Tama Yuus iniak: ¿Ya ame misu pujamuncha
ujatmakume? ¿Wii amina ju numi nere
yuawaipa timajam nu yuachumek?



Tama shuar ayak: "Ame wijai tsanig pujustin nuwa surusmam nu, juki itan surusmatai wisha yuajai", tusa tinaiti. Takai apu Yuus nuwan iniak: "¿Urukantai nusha nutikam? Tama nuwa ayak: Nápi tsanurantai yuajai", tusa tinaiti.



Tusa apu Yuus shuaran ajanam
pujuinan, jiiki nugka ni takastinum
apujsauwaiti.





Nutika shuar ajan
utua númi pujutan sukartina nuna
neren yuawarai, tusa ajan
kuitamatnun nayaimpinmaya shuar
ainan apujsauwaiti. Tura etsa
watainmani ajanam kuchiya
numamtinan kean
pepertu atinan
apujsauwaiti.



Adán nuwen ajaprumtikauwaiti. Turam Caínkan
jureruiti. Tura chichaak: Uchi aishmagkun Yuus
surusai, tusa tinaiti. Tura ataksha chikichnasha
Caínkan yachin Abelan jureruiti. Abelka
oveja ainan kuitamin ajakuiti. Antsu


Caínka arakan
arakmau
ajakuiti.




Chikich tsawantin Caín árak ainan juuk Yuusnau atii tusa jukinaiti. Antsu Abelka oveja uchiri yama nagkamchak akinan pegkeran iis jukinaiti.

Tura asamtai Yuus Abelan, tura ni takamurijai pegker enentaimtusuiti.

Turasha Caínnaka ni takamurijai nakitrauwaiti. Turamu asa Caín senchi kajekuiti.



Chikich tsawantin Caín ajanam wekasami tusa yachin ipaawaiti. Tuma ajanam jeaa Caín nina yachin Abelan maawaiti.



Turamtai Yuus Caínkan chicharuk: ¿Amina yatsum
Abelsha tui pujawa? tusa iniam: Nekatsjai ¿wina
yatsurun kuitamnun wikaitaj? tusa tinaiti.

Turam Caín Yuusnaka ikuak, nugka
Edén etsa watainmani amaunam
Nod nugkanam pujustasa wuwaiti.



Adán nuwen ataksha ajapruntikauwaiti. Tura uchin
jureruiti. Tura Caín nina yachin Abelan maa asamtai,
yamaisha Yuus chikichan uchin surusai tusa,
Set anaikauwaiti.



Adán, Settan akia ochocientos uwí pujusuiti. Tura uchi aishmag ainan, nuwa ainajai akigkuiti. Tuma novecientos treinta uwí ejé jakauwaiti.



Tura shuar tunaun senchi takaina asar, aya
pegkerchaunak enentaimtuinan Yuus nekau
asa, chichaak: Wii najankau ayatnak
shuar wina umirtichu ainan, kuntin
ainan, nanamtin ainan tura
nugkanam japinas
wekain ainancha



ashi ijinattajai,
tusa tinaiti.



Turasha Yuus Noénka shir enentaimtusa
umirmau asa, wait anentrauwaiti. Noéka
tres uchin akiawaiti. Sem, Cam,
Jafet, nu ajakaruiti.



Yuuska ashi shuar ainatin shir senchi
anenmau asa, wina uchir chikichkia nuna
nekaspapita tusa umiruka waittan
jukichartin arti, antsu pujut tuke
atinan jukitin arti, tusa nina
uchiri chikichkia nunaka
suramsauwaitji.



Romanmaya 3:23 Ashi nugkanmaya ainaka tunau ainawai,
tumau asar Yuus tsaaptinum puja nuigka
jeamainchau ainawai.

Romanmaya 6:23 Tunau takamua nuka Yuusjai tuke
tupantikartawai. Antsu ina apuri Cristo Jesús inii
mantamna asamtai, Yuus antrag surammauka pujut
nagkanchauwa nuwaiti.

Hebreonmaya 9:27 Ashi shuar ainatika chikichkia
jakartin ainaji. Tumawakrin Yuus ii takasmaun iis
turamtinaitji.

Efesonmaya 2:8,9 Yuusa uchiri nekaspapita tau
asaakrumin, nina wait anenkartutairin atumnaka
uwentikramrauwaitrume. Atum uwemrattsarum
takamainka pegke atsawai. Nunaka Yuus nigki enentaimas
turawaiti. Ii pegker takamunmagka uwemkacharu
asar, ika ememamain ainatsji.



Romanmaya 10:9,10 Tura Jesucriston maamuncha Yuus nekas inankinapita tu enentaimkumka, tura Jesúska wina apuruiti takumka uwemratnaitme.

Jesucristowapi nekas wina tunaaurun ashi tsagkurtur agkanmantikruawaita tu enentaimkumka, tura Jesucristowaiti nekas wina apurka takumka uwemratnaitme.

Juan 3:16,17 Yuuska ashi shuar ainatin shir senchi anenmau asa, wina uchir chikichkia nuna nekaspapita tusa umiruka waittan jukichartin arti, antsu pujut tuke atinan jukitin arti, tusa nina uchiri chikichkia nunaka suramsauwaitji. Yuuska shuar ainatin makuti tusagka ju nugkanmagka uchirinka akupturmakchauwaitji, antsu uwentikati tusa akupturmakuitji.



1 Juan 5:11-13 Yuus chichartamuk: Wii pujut nagkanchauwa nuna amastinaitjarme turamnaitji. Nu pujuta nunaka nina uchiriya nu sukartawai. Yuusa uchiriya nuna jukinka nu pujutcha arawai. Antsu Yuusa uchiriya nusha atsurmauka nu pujutcha atsurui. Atum Yuusa uchiriya nuke shir nekaspapita tusa enentaimtuinatirmin, pujut nagkanchauwa nu jukimusha nekaatarma tusan junaka aatjarme.



Génesis 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Huambisa Bible (hub) © 2010, Wycliffe Bible Translators,
Inc. All rights reserved.

<https://live.bible.is/bible/HUBWBT/MAT/1>

©2024 Bible for Children, Inc.

www.M1914.org

www.bibleforchildren.org

